

Ysbyty Gwynedd Adran Achosion Brys



**Yn dod â'ch diweddariad misol ar y gwaith gwella
yn Adran Achosion Brys Ysbyty Gwynedd**



Yn y rhifyn hwn:

Cyfleusterau cefnogi ac addysgol

Ystafell blastr a mân achosion newydd

Achosion Difrifol ac Adfywio yn symud i leoliad dros dro

Cyfnod olaf y prosiect yn mynd rhagddo!



@bcuhb



/betsihealthboard



GIG
CYMRU
NHS
WALES

Bwrdd Iechyd Prifysgol
Betsi Cadwaladr
University Health Board

Cyfleusterau cefnogi ac addysgol newydd



Rydym yn hapus i gyhoeddi bod ail gyfnod o'r gwaith gwella yn Adran Achosion Brys Ysbyty Gwynedd yn awr wedi'i gwblhau!

Mae ein staff Adran Achosion Brys wedi cael dechrau prysur iawn i'r flwyddyn, ac maent wedi symud i'w bloc gweinyddol newydd ar y llawr cyntaf.

Mae'r rhan hon hefyd yn cynnwys cyfleusterau newid a chawod newydd a llyfrgell ac ystafell seminar!



Drosodd i chi...

Rydym bob amser yn falch o gael adborth am Adran Achosion Brys Ysbyty Gwynedd a'n gwasanaethau. Dyma enghraifft o rai o'r pethau y mae unigolion wedi dweud wrthym.



"Diolch yn fawr iawn i dim ED Ysbyty Gwynedd eto heno am bob dim, a diolch am wneud i mi deimlo'n gyfforddus er gwaetha'r sefyllfa."



"Diolch i Adran Achosion Brys Ysbyty Gwynedd am ofalu am fy mam dros y Nadolig ar ôl iddi syrthio- rydych wir yn angylion, ac yn haeddu bob canmoliaeth rydych yn ei chael- mae hi'n awr gartref yn gwella diolch i chi - Blwyddyn Newydd Dda i chi gyd!"



"Dim ond profiad da rydw i wedi ei gael yn @YGEDBangor. Yn falch o allu defnyddio'r ysbyty gwych hwn!"

Ystafell blastr a mân achosion newydd



Ein staff Uned Mân Anafiadau a'n technegwyr plastr oedd y rhai cyntaf i symud i'r meysydd clinigol newydd yn yr adran newydd.

Mae gan ardal Mân Anafiadau dair ystafell triniaeth newydd ac ardal mwy i gleifion sy'n aros i gael eu gweld a'u trin.

Caio Smith-Evans oedd y claf cyntaf drwy'r drysau i ddefnyddio'r ystafell blastr newydd ac fe gafodd ei drin gan Steven Williams a Stephen Gallacher.


Dywedodd Steven Williams, Cynorthwydd Adran Achosion Brys, y bydd yr ystafell newydd yn caniatáu iddynt ddarparu gwell gwasanaeth i gleifion.

Dywedodd: "Rydym wrth ein boddau symud i mewn i'r ystafell blastr newydd yn yr Adran Achosion Brys. Rydym yn awr mewn rhan fwy canolog yn yr adran.

"Mae hyn wedi rhoi gwell mynediad i ni at weddill yr adran ac i'r clinigau sydd gerllaw, felly rydym yn gallu darparu gwell gwasanaeth i'n cleifion.

"Mae'n lle gwirioneddol wych i weithio- rwy'n mwynhau cyfarfod â'r holl bobl gwahanol sy'n dod drwy ein drysau, rydym wedi rhoi plastr ar bobl o bob cwr o'r byd!

"Y tro cyntaf rydym yn gweld ein cleifion maen nhw mewn poen ac angen ein cymorth. Y rhan o'r swydd sy'n rhoi'r mwyaf o foddhad yw eu gweld pan maent yn dychwelyd ac yn cael tynnu eu plastr, maent yn diolch i ni, ac rydym yn gweld ein bod wedi eu helpu."




GIG
CYMRU
NHS
WALES

Bwrdd Iechyd Prifysgol
Betsi Cadwaladr
University Health Board

Achosion Difrifol ac Adfywio yn symud i leoliad dros dro

Mae ein staff yn yr Adran Achosion Brys wedi treulio eu shiftt olaf yn Ward Beuno!

Mae ein staff yn awr yn mwynhau gweithle mwy ar ôl symud i'w hardal dros dro achosion difrifol ac adfywio.



Cyfnod olaf y prosiect yn mynd rhagddo!

Mae cyfnod olaf y prosiect yn awr yn mynd rhagddo.

Bydd y gwaith yn cynnwys trawsnewid cyn Ward Beuno yn uned Achosion Difrifol ac Adfywio newydd.

Bydd tair ystafell driniaeth ychwanegol hefyd ar gyfer y tîm Mân Anafiadau a hefyd ystafell benodol Pen a'r Gwddf.

Disgwylir i'r prosiect gael ei gwblhau yn ddiweddarach eleni.

